

محل مطبعه و اداره :

جفـال اوغلانده امنيت

صندوغى جوارنده

شنكول يقوشنده

۲۷ نومرو

مستطابق

اظهار :

مسلکمه موافق آثار

جدیدہ مع الممنونیه

قبول اولنور

درج ایدلمه پن آثار اعاده اولنماز

دیر ، فلسفه ، علوم ، حقوق ، ادبیات تاریخ ، و سیاسیات و بالخاصه احوال و مشورہ اسلامیه بحث ایررد هفته ده بر نشر اولنور .

آبونه بدلی

صاحب و مؤسسلری :

در سعادتده نسخہ سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

قیرله دن مقوا بورو ایله کوندریلیرسه سنوی

۲۰ غروش فضله آلنیر

۱۰ تموز ۳۲۴

سنه لکی	التی آیلنی	غروش
ممالک عثمانیه ایچون	۶۵	۳۵
روسیه	۶۵	۳۵
سائر ممالک اجنبیه	۱۷	۹

بشنجی جلد

۵ ذی الحجہ پنجشنبه ۲۵ تشرین ثانی ۳۲۶

عدد : ۱۱۸

دینار حرمتنه اعلان ایدیکز عزیزم . یازمغه مقتدر دگم ؛ فقط مجبور اولوب یازدم . عفو ایدکز ، قلمی یورمک قائمه باتیروب یازدم . بومکتوبه یازلمش کوندر یله جک پاره لری روسیه پوسته سی قبول ایتدی ، شونک ایچون المازده قالدی ، قولانی بولورسه ق کوندره جکز .

صراط مستقیم — بو صاف و صمیمی سطرلره بر شی علاوه ایتزسه قارلریمزدها چوق تئیری اوله جغنی ظن ایدیوروز .

صراط مستقیم غزته سی اداره خانه سنه

السلام علیکم !

چو جقلمزک حال حاضر منزله متناسب ساده بر لسان ایله یازلمش هر نوع کتابلره عادتایمک ایچمک قدر محتاج اولدقلری مسلم انامدر . بواحتیاجه طوغری آتیلش ایلمک خطوه موفقیت اولمق اوزره محترم حلیم ثابت افندی حضرتلرینک تألیف بیوردقلری (عملی علم حال) ک بورا ذکر وراثت مکتبلرنده وجودندن اثر بیله یوق . دین جلیلمزجه مهم بویه بر اثر مرجعلرینک تصدیق و تصویب حائز اولدینی حالده معارف عمومیه نظارتینک تحت مسئولیتنده اولان مکتبلر مزده حالا شونک بونک علم حاللری اوقوتدیرلمسینه بیلمک نه دیملی ؟ ! بز ظن ایتیزکه استانبول و طشره معارف نظارتلری و باب جلیل فتوالری آیری اولسون . بناء علیه مرجعینک نظر دقتی جلیله (عملی علم حال) ک تعمیم تدریسی اسبابینک استکمالنه صرف همت بیورلمسی مسترحمدر افندم .

وودینه ده یوزباشی

محمد فوزی

مطبوعات

مجلس مبعوثانده سیاست خارجییه

مذاکره سنه دائر

سیاست خارجییه مذاکره اولنورکن ، حکومت عثمانیه نیک سیاست خارجییه سنده « بالعموم دولتلره حسن مناسبت و مخادنت » دستوری ، اساس اوله رق ، هان بوتون مبعوثلر طرفندن قبول ایدلدیکی حالده ، بعض مبعوثلر بودستورک خارجیه چیقماق اوزره ، موجود زمهره لردن بریسنه تمایل ممکن و حتی مفید اوله جغنی ایما ایلادیلر ؛ اناطولی مبعوثلرندن احمد فرید بک ، اتفاق مثلتک منافعی ، منافع عثمانیه یه موافق کوردی . ده طوغریسی ائتلاف مثلتک مقاصد و منافعی ، عثمانلی دولتک مسائل حیاتییه سنده لهمزه اولمادیغنی آ کلاتدی . — زهراب کیرقور افندی ایسه بالعکس باشلرنده انکلتزه اولان ائتلاف مثله طوغری ، تمایل ایله دی .

مهران افندینک صاحب امتیاز و مدیری بولندینی « صباح » جریده عثمانیه سی ، د . ک امضالی باش مقاله لرنده ، آیلردنبری سیاست خارجییه

علامنر بتون مقلد اولمش . آه ، آه ! . بز نظر مزده دینسز صاییلان اجنبی دولتلری کندی ملتلرینی محافظه ایدیورلر . بز حکومتز ، شهیندر افندمنر هیچ ملتته نظر ایدوب دقت ایتورلر . ساده پاساپورت پاراسنی آلمق دن باشقه شی دوشونمورلر . ملتک محافظه سی شویله طورسون ، اللردن کلسه ضرر یاپارلر . شخصلرندن باشقه شی بیلمزلر . منفعت پرستدرلر ، سزملت وکیلکسکز ، نه ایچون بزی محافظه محافظه ایتیمورسکز ، دینلمسه هان داریلورلر . التفات یوق ، انسانیت یوق ، مرحمت یوق ، بو شهیندر افندیلر اجنبی ملکترلنده عجبا نه ایچون اوطوریورلر . آه ، آه ! . قلم بارچالنیور . نهم ایچون شوراسی زور کلیورکه التفاتسزک ، غیرتسزک ، همتسزک ، دینسزکله خالص دینزه لکه سوروب مسلمانلرک اعتبارینی اکسیتیمکه ، خارجده کی اسلاملری دارالخلافتدن صوغوتمعه سبب اولمشار .

دیهلم که دور سابقده او یله ، شیمدی نیچون بویه ؟ استانبولدن یکی کلمش شهیندر افندی یه کیتدم ، اشبو احوالی سویله دم . ینه اسکی حمام اسکی طماس ، ینه اسکی فکر ، اسکی قفا . ملتته التفات یوق . پاساپورت پاراسنی آلمسنی کوزل بیلیر . پاساپورطمزی باقدی ، جزاسی ایله برابر آلتی روبله تسلیم ایتدک . بورالره شهیندر افندی اوله رق ملتنی محافظه ایده جک انسانیت پرور ، ملت پرور بر شهیندر افندی بی نه وقت کوره جکز ؟ یاش (یعنی کنج) حکومتزدن ملت پرور ، ترقی پرور مأمور ، فکری آجیق امام کوندرلدیکنی نه وقت کوره جکز ؟ آه بوبالاردن نه وقت قورتیله جغز ؟ آه بو حاللره نصل وجدان تحمل ایتسون ؟ ..

دوناغا اغانه لری هر وقت انسانیت پرور آدملر طرفندن ملت یولنه تسلیم اولنیور . بزده دونامنر ایچون اغانه کوندرمک ایسته یوروز . بوکونه قدر هیچ برشی کوندرمه مزک سبی اهل و عیالز ، چولق چوجغمزک کونده لک مصرفندن آرتدره میشمزد . یوقاروده ایتدیکم سبدن طوبلانی آنجق کچنیوروز . شکایت اولماسون ؛ اللهک قضاسنه راضی یز . الا عزیز ملتیز ایچون ، بحریه مزه اغانه ایتک ایچون پاره من اولمادیغندن قلمیز پارچالنیور . آه آه نه یابلم ، نه کوندره لم ، دیبه رک دونامنا جمعیتی قومیسسیون اعضالریته صراط مستقیم واسطه سیله ایکی دانه اسکی پارا کوندریورم . اوزرلرنده (لاله الا الله محمد رسول الله) یازلمش اولدیغندن باشقه لری ایچون دکر سز اولسه ده نهم کندم ایچون شو کله ره نظر آ پک قیمتلی پارالمدر . قلمدن خالص سودیکم یکانه ما ملکمی دونامنا اغانه سی ایچون کوندریورم . یرینه تسلیم ایتمکزی رجا ایدرم ، بوندن صوکره حکومت بزی محافظه ایدرسه بزده حکومت یاردمه حاضرز .

راستوف درنده اصناف یارم اسنره دولت عثمانیه تبعه سنره

تحفة الله

مدیر اشرف ادیب افندم الله رضاسنه پیغمبرمن حرمتنه خالص